

2025089
1274
部三、3

正德袁州府志



袁州府志卷之八

人物

漢

陳重字景公宜春旌儒鄉人今隸分宜少與鄱陽雷義為友俱

學魯氏詩顏氏春秋太守張雲舉重孝廉重以讓義雲

不聽明年義亦以孝廉舉重與俱在郎署有同署郎負

息錢數十萬責主日至重密為代還終不言惠又同舍

郎誤持隣舍郎綉以歸主疑重所取重不辨而市綉以

償之後同舍郎以綉還主其事乃顯後與義俱拜尚書

袁州府志卷之八

郎義黜重亦以病免義歸舉茂才讓於重刺史不聽義

遂不應命鄉里為之語曰膠漆自謂堅不如雷與陳後

三府同時俱辟二人重為細陽令政有異化遷會稽大

守後為司徒所辟拜侍御史

彭翼宜春人獻帝時歷官建平長沙北海三郡太守封宜

春侯

施游宜春人仕為大常博士安南將軍九江太守封宜春

侯

晉



袁京宜春人不樂仕進隱居府城東北五里山時人因名
袁山郡守為立高士坊

唐

彭雲

一名構雲

宜春人自幼學通陰陽圖緯隱居不求聞達玄

宗遣使者以蒲輪召之至再始行命之官不就辨歸孫

伉貞元間舉進士歷官石泉令岳州錄叅有能稱

常無強宜春人隱居十五年不出戶郡守董禎欲表不求

聞達科固辭不就為立逍遙坊表之

湛賁宜春八初為郡吏其妻與郡士彭伉妻姊妹也伉登

東州府志卷之八

二

第親族往賀座上皆名士獨飯賁於後閣賁自是感憤

力學一舉擢上第

盧肇字子發宜春文標鄉人

分宜隸

自幼穎拔不群會昌三

年進士第一累官集賢學士歷敍宣池吉四州刺史所

至有治聲著述尤多有文標集三卷海潮賦一卷行於

世子文秀咸通間進士官至弘文館學士

黃頗字無頗宜春江夏里人少負異材師韓退之為古文

聲名大振與盧肇氣不相下會昌間登進士歷官御

史著文十餘篇

坊重字鼎臣宜春人會昌中張濱榜進士第二人內廷再
考張被黜升重第一寄家詩云一春攀折兩重枝官至
大理評事

廖洪萬載人家貧養親至孝大中初二親亡洪捧土成塋
結廬墓側有青蛇白獸之異咸通間縣令朱邵以聞詔
加旌表

袁皓字退山宜春人博學能文章咸通間舉進士累官吉
撫二州刺史集賢殿圖書使自號碧池處士有碧池書
三十卷集道林詩二卷

鄭谷字守愚宜春人七歲能詩司空圖見而奇之因拊其
背曰當為一代風騷主光啓三年舉進士授京兆鄠縣
尉乾寧間以都官郎中退居仰山書堂卒有宜陽集三
卷號雲臺編其詩清婉明白為薛能輩所稱時僧齊己
亦以能詩名及見谷深敬服焉其詠鷓鴣詩尤工世號
鄭鷓鴣

鍾傳萬載人以負販自業僖宗時討王仙芝有功拜江西
團練使俄拜嶺南節度使檢校大保中書令爵潁川郡
王尋徙南平王黃巢亂後州縣廢貢舉惟傳歲薦士行

鄉飲禮率官屬資以裝齋故士不遠千里趨之傳少時
好射獵嘗醉遇虎與鬪持虎不置會人斬虎及貴嘆曰
士處世尚智謀勿效吾暴虎因畫搏虎狀以戒子孫焉

南唐

王穀宜春人南唐初登第長於樂府有鴻門詞苦執行暑
日觀道傍樹玉樹曲膾炙人口

宋齊立字子嵩萬載人祖震會昌初進士為唐寧縣令贈
衡州刺史檢校司空父訥天復二年攝鎮南軍節度使
推官守大理評事齊立好學善屬文李昇刺金陵延四

幸州府志卷之八

四

方士齊立往依焉甚被親禮時朱瑾之難立嘗參預謀
議徐溫惡之以為殿直判官凡十餘年不遷溫卒遂擢
拜左右司員外郎中累遷諫議大夫兵部侍郎參議機
密甚愜民望後為洪州節度使遷大傅大保封青陽公
後乞歸九華山賜號九華先生著作化書理訓各十卷

李徵古萬載人仕南唐為尚書吏部郎中保大十年除本
州刺史自唐末五季之亂宜春更刺史皆武夫勳臣徵
古始以儒術飾吏事修舊起廢崇重儒士雖四方雲擾
絃誦獨不衰焉

徐鉉字乾壽萬載人十歲能文交泰中為左右廂兵馬檢校國子祭酒兼御史中丞有材辯時稱為江南文士盧絳字晉卿肇族子磊落有大志好言當時利害舉進士不第投筆入金陵詣後唐主上疏未報復詣樞密陳喬獻書喬異之表署本院承旨遷松江巡檢累遷松江都部署宋平金陵諸郡皆下絳獨不順數遣使諭旨久之乃降宋太祖問何久不降對曰臣知事李氏而已太祖義之

宋

易言字應之任俠有口才真宗朝履水蠻寇宜州邊帥不能制募辨士往說之言應召單騎而往酋長迎待甚歡竟歸順息兵真宗嘉之錫以官言任氣居官不能久後元昊擾邊近臣多薦言可任上見其老不欲遣行但令赴流內銓注樞府司戶嘗著排姦黨說極論崇寧人材之弊年八十卒

李衢字叔達宜春人西平王晟之後大中祥符元年登第官至屯田員外郎子士安官至朝奉大夫士燮職方員外郎孫珪登政和第

夏侯錫分宜人天禧二年王拯榜進士歷衡州司理知蒙陽縣吉州判官後知南康興化軍皆有善政治平四年以朝奉郎官至尚書都官屯田郎中致仕子公績元豐八年進士裔孫士章元至正間以明經登第歷桃源教諭瑞州教授改本州教授

李奇字子正宜春人景祐初進士職方員外郎性慷慨不事產業既得官悉以祖產遺諸弟而戒子孫不得進取既卒人輒以詩云祖來產業分兄弟身後詩書遺子孫李觀衢後孫少讀書過目即成誦慶曆二年試南宮賦偶

失韻主事見其策稱賞特為奏名登第時方冠知清江縣熙寧初為大官令言後法不便出倅括蒼題詩直廳有自知不是封侯骨夜夜江山入夢來之句元祐初監江州大平興國觀司馬溫公薦之除知虔州不就請監南嶽廟以歸觀好神仙學嘗創玉溪洞自號玉溪叟有抱一堂終日醉吟其間於世味淡如也

朱彥博萍鄉人嘉定間進士通判潁州上書神宗極言當時利害歷知虔虢解三州所至有聲嚴而不苛明而不察官吏畏之如神子改朝奉郎

彭持字知權分宜人口吃內敏為文有西漢風少時謁知州事張顥令賦詩立就張大稱賞後在成均與孔武仲齊名同領鄉薦明春登上第元豐中自司農丞出為監司號霹靂手終奉議郎江西提舉

梁公价字寶臣分宜人幼孤博極群書熙寧六年進士調贛縣主簿陞承信郎守四門博士致仕

曹傳宜春人弟藻子遷同登元祐三年進士第顏其堂曰三桂傳後以朝請郎知常州藻宣教郎宰益陽遷通直郎知柳州

袁州府志卷之八
七

彭俞字濟川宜春人少隱集雲峯亭精易學自號連山子紹聖四年舉進士知溧陽縣雪冤甚多帥臣監司交薦之官至朝散郎有君子傳三卷循吏龜鑑議十二卷文集二百卷貫道編五卷時議二卷其餘著述甚富

李格字承之萍鄉人幼孤好學不倦家貧躬爨手不釋卷目重瞳觀書五行俱下既長通五經元符二年舉進士為人特立歷州縣同官多憚之嘗著墨梅墨蘭賦子產論春秋指歸皆傳于世

湯夢觀萍鄉人崇寧間舉進士知循州時蠻寇劫掠旁郡不

敢入其境自相戒曰切莫犯此老子朝廷聞而嘉之
蕭祀萬載人宣和六年正奏名第六祀長於易大衍之數
剛果不苟合歷官州郡有治聲終廣州通判遷市舶提
舉

李師愈字夢授分宜人宣和間舉進士調永新主簿貴池
縣丞未之官隱於家扁其堂曰見一取林下何曾見一
人之意有文集十五卷

鄭銓字應權宜春人博通六經兩頁上舍不遇因歸教授
鄉里不求聞達自號應菴性儉約通顯奉養如寒素時
尤工大書累章告老詔以顯謨閣待制致仕積官至宣
奉大夫

郊元鼎字寶之宜春人受業於應菴問學該貫為鄉里所
推重號易齋鄉舉數不第卒無嗣郡達官出其門者每
歲哀金拜掃其墓

張瑄字子律宜春人少穎悟不群從郊易齋受業為文渾
厚熟於典故尤工五言詩歷州縣以材譖稱立朝靖重
不苟守嘉興卒上念之加直秘閣瑄平居不事生產仕
至二千石喪歸無屋可廬其清約如此然勇於為義人

有意則投袂應之未嘗以匱乏辭子嗣古起居舍人有文行

黃嘉萍鄉人大學生靖康間同陳東輩伏闕上書又詣開封府尹王時雍曰初以尹獻熙豐十事將謂有為今乃姦邪如此時雍退避梅山見嘉輩白諸君日食國家二升米乃能如此其等有愧多矣後終廉州法司

歐陽椿字永年分宜人本廬陵六一先生之族紹興張孝祥榜登第瑞金主簿道州判官改臨江判官淳熙七年改儒林郎永州教授復進通直郎賜緋魚服又陞奉議

郎勇退而歸蕭散林泉號宜林老人有自備集行于世縉綺字德新幼力學有偉氣高宗為康王時從往河北與虜議和及即位官承信郎一日間加至十三資

趙善堅字德固宋宗室家於袁乾道間舉進士嘗通判婺州朱文公為常平使者深器重之時大旱奉行荒政全活甚衆五典名藩所至以廉能稱官至戶部尚書

孟浩字養直宜春人乾道間知武寧縣有聲累遷知湖州以忤權貴罷後復起官至直秘閣為人廉介一毫不妄取予為文章有法度所著有魁技集

文彥直字益之萍鄉人端謹溫粹通周易大義好學無間
寒暑避難手不釋卷紹興初以恩調漢陽軍判官終淮
陽節度推官

夏執中字子權宜春人父協生女有異光穿室及長為孝
宗后后始貴協已亡訪得執中補承信郎閣門祇候未
幾遷右武郎閣門宣贊舍人初執中與其微時妻至京
宮人諷使出之擇配貴族欲以媚后執中弗為動他日
后親為言執中誦宋弘語以對后不能奪執中既貴始
從師學大字頗工復善騎射高宗行慶壽禮近戚爭獻

珍玩執中獨大書一人有慶萬壽無疆以獻高宗喜錫
賚甚渥嘗為館伴副使連射皆中金人駭服孝宗聞其
才將召用之謝曰他日無累陛下保全足矣人以此益
賢之屢遷奉國軍節度使提舉萬壽觀寧宗即位加至
少保卒

胡安之字叔器萍鄉人號自齋受業朱晦菴先生之門經
史疑義多所著述郡守程公許葺南軒書院聘安之為
諸生講說

孫億字延齡分宜人舉進士知吉州吉民歲市縑六萬餘

匹主外計者收帑錢以供他費給益以償民縑億發其弊吉租歲收四十萬斛漕臣意在聚斂戒度吏收什二以充羨餘億拒臺命出納一用倉式卒蒙贈葬俞襄公靖為志其墓

孫汲字公善分宜人寄籍臨江應舉由朝散郎監司知其材檄攝吉州守事不踰月境內稱治時黃庭堅宰大和有詩贈之曰宜春別駕鄉文人來假廬陵二千石

易克字正翁號中洲分宜人唐狀元重之後幼聰敏拔群年十六七博通易書詩號三經處士教授鄉閭遠近從學者甚眾所著有中洲文集

東州府志卷之八

十一

胡從義萍鄉人少為吏後業儒力學刻苦舉進士仕至員外郎

元

趙榮字榮甫號東溪由吏學發身仕至朝請大夫袁州路萍鄉州知州致仕子彥文以賢才徵知閩縣事

袁州海牙字伯源高昌人其祖名也初任袁稅務大使因家于宜春海牙以詩經登至正甲申進士第授承事郎進賢縣達魯花赤公勤廉能興利除害增公廨新學校

為士民仰戴善屬文其弟中都海牙亦以鄉進士授教
官

歐陽玄字原功號圭齋其先公宜防里人自其祖遷瀏陽
玄魁湖廣鄉貢進士及第歷官翰林學士承旨文章道
德師表當世云

彭應雷字震卿公宜人延祐間以儒業任南寧判官遷同
知蘭溪州事有清白聲擢知象州秩滿引年用奉訓大
夫安福州知州致仕

夏以忠字尚之宜春人宋成恭后父族號懷魯軒以春秋

▲東州府志卷之八

十二

試大都路流寓科第二授翰林國史院編修官調國子
助教遷大史院都事 王師克燕拔其知名士官之以
忠獨以老病乞歸會遣使搜訪元史強之如江廣以忠
辭不得命乃行至番禺卒大史金華蘇伯衡著文哀之
夏鎮字定遠號果齋宜春人以春秋登進士第任茶陵州
判官終奉訓大夫鎮學行端餘為文章簡古有法學者
多宗之

彭繼凱公宜人至正壬辰三月歐普祥寇陷素州夏四月
繼凱募義士迎戰於山心大敗之適安福義士袁明東

等亦引兵來會遂併力克復州治乃下令禁殺掠修城
 池繕甲兵弔死恤孤民賴稍安奉檄江西丞相伯顏令
 署本路同知事因遣人詣顛迎舊守寶童歸寶童嫉其
 功中秋夜宴令刺客伺其酒酣殺之城中驚擾義士潰
 散

黃盅字子中萬載人受學於吳文正公激公奇其志學遂
 以子妻之題其書舍曰大本堂虞文靖公集為記至正
 丁卯舉鄉薦任龍泉學教諭

大明

袁州府志卷之八

十三

劉仲質字文質分宜人自幼好學博通經書洪武初舉為
 宜春訓導選入翰林階文林郎官至禮部尚書

劉澤民字朝佐宜春人邃經術通詞章洪武元年知縉雲
 縣有德政民以劉父稱陞嘉興府同知

歐陽貞字元春分宜人嘗授學豫章大史揭傒斯鄉進士
 夏鎮工古文詞造詣深至所著有易問辨三十卷史提
 鈎七十卷他詩文有餘學初集龍江叢稿東齋寓錄貧

樂集性冲約遭亂不樂仕進

國朝混一初科舉法行始以易經魁鄉試仕考城扶溝縣

簿以廉簡稱未幾以老病乞休自號石戶農

黃子澄名湜以字行分宜人少從邑人歐陽貞受易周與
學受尚書清江梁寅受春秋博學負俊聲遊鄉校同舍
避席推為高等洪武癸亥膺貢入國學明年京闈鄉試
第二會試第一進士及第授翰林編修陞修撰累官太
常卿見親重

高廟時

太宗靖難之師入子澄死焉

劉迪簡其先安福人徙居宜春幼習儒業通易詩春秋三

袁州府志卷之八

十四

經 國初徵授尚賓館副使屢陳時務進皇王大學通
旨使交址竣事卒南寧所著有尚賓集孫衢舉鄉貢通
判常州轉同知揚州所至有治聲

黃伯奇分宜人性資純篤好禮尚義洪武間以才行老成
舉授金華知府蒞政嚴謹吏服其能

嚴孟衡分宜人永樂乙未進士授監察御史負才望有聲
院中陞浙江副使丁外艱服除改四川剛正嚴毅人不
敢干以私所至貪濁悉自引去論事侃侃於人少許可
同列亦皆推讓其能擢四川右布政使卒于官

易節字時中萬載人永樂乙未進士擢行人歷禮部員外郎才能著稱宣德間奉璽書知成都府事陞貴州左布政使有惠政夷人化服卒于官

郭瑾字邦器萬載人永樂甲辰進士擢刑科給事中持身端謹官至刑部右侍郎

蕭義字宜之宜春人舉成化辛丑進士試政工部奉命往營代藩筮事集而人不擾王賢之授吏部稽勲主事卒義操履端慎為時所重問學典實文詞雅暢素士多師之所著有葵菴集

歐陽汶字伯魯分宜人以經明行修舉授開封府學訓導改永康不受士贄師範嚴整進國子學錄嘗上疏論事幾得禍祭酒立文莊公甚器之遷周府長史後改

伊府致仕家居足跡不造城府時論服其清介

郭紳字廷章宜春人舉成化乙未進士授寧海知縣擢監察御史出知襄陽府歷甘肅行大僕寺卿貴州叅政福建布政使至南京刑部右侍郎卒紳器宇凝重雖歷崇顯而居鄉待人不設城府寬厚簡樸有長者風

龍夔字舜卿舉進士授禮部儀制主事歷主客精膳員外

貞節

楊節婦 周氏宜春人 荊州同知楊伯憲妻 年十九歸 伯憲克董婦 道南六年 伯憲卒 于官 周護喪 歸葬 遺腹一子 撫教 成立 養姑 二十餘年 教孝 如夫在時 年八十三 卒 正統元年 旌表 其門

張氏 宜春監生 易相妻 相卒 張年二十七 無嗣 勵志 守節 孀居 四十餘年 鄉族 重之

劉顯妻蕭氏 顯府學生 卒時 蕭年二十五 矢志 不移 標二孤 有立 弘治十六年 有司 奏聞 旌表

陳烈婦袁氏 分宜石鎮 陳九淵之妻 元季 兵亂 邑萬戶 夫為 戍死 當以 死報 遂自刎

孫氏女 宋宜春 別駕 汲之裔 初受 里人 陽遵 哲聘 哲 謫戍 遼東 父欲 別擇 所歸 女聞 哲行 自縊 死

鄧氏 安福人 父秀 湖廣 僉事 鄧十九 歸府 學生 分宜 歐陽 鳳 鳳 歿 無嗣 守節 自誓 弘治 十二年 旌表

宋氏 分宜學生 趙壁妻 壁七時 年二十四 二孤 一遺 腹 撫育 勞瘁 茹苦 勵操 三十餘年 鄉族 稱之

張節婦 教氏 萬載 張鼎 實妻 也 元末 教舅 姑夫 俱斃 於 寇 救時 年一十餘 無子 以兄子 為嗣 撫訓 成立 洪武 二十三年 旌表

甘希魯妻鄧氏 萬載人 鄧年二十 適希魯 卒 遺腹 一子 家貧 自織 撫其 孤 有貞白 操

嚴仲恭 以子孟 衡貴 封 監察 御史 **嚴仲温** 以子迪 聰貴 贈 大僕 寺丞 **易子謙** 以子 節貴

羅用傑 以子恪 貴 贈 刑部 郎中 **歐陽俊質** 以子 鑰貴 贈 燕 負外郎

劉愚魯 以子衢 貴 贈 常州 通判 **蘇體用** 以子貴 彰貴 贈 通政 司經歷 **彭德明** 以 述貴 贈 崇

蘇璉 以子貴 貴 贈 南 京錦 衣衛 經歷 **龍清** 以孫 暹貴 贈 大常 寺卿 **龍瑛**

封贈

蘇璉 以子貴 貴 贈 南 京錦 衣衛 經歷 **龍清** 以孫 暹貴 贈 大常 寺卿 **龍瑛**

龍瑛

龍瑛

龍瑛

龍瑛

龍瑛

以子暹貴封 **劉仕忠** 以子琬貴贈監察御史加松江知府 **郭子高** 以孫紳禮部員外郎 **郭和** 以子紳貴贈監察御史加松江知府 **張偉** 以子鳳貴贈內黃寺卿 **郭和** 史加贈行大僕寺卿 **張偉** 縣知縣加贈沂州知州 **嚴淮** 以子嵩貴贈翰林院編修

仙釋

慧寂 韶州漢昌人姓葉學佛有成行唐開成中入郴州王莽山見山神告以宜往處來之仰山慧寂行抵

仰山遂創菴以居後有僧乘空而來相講論大有所契且示以貝多葉梵書乃騰空而去江南觀察使常宙奏

請賜 **虛中** 宜春人唐末遊湖湘與齊已為詩友往湘西號 **虛中** 漂成寺嘗寄華山司空圖侍郎詩曰門徑放

菴垂往來投刺稀有時開御札特地掛朝衣嶽信僧傳去天香鶴帶歸他年尚召化無復更哀微司空有詩云

十年華嶽峯前住 **普庵印肅** 姓余宜春人住慈化寺嘗祇得虛中一首詩 **普庵印肅** 讀華嚴經論豁然大悟作

袁州府志卷之八

十七

偈曰捏不成團撥不開何須南嶽與天台六根門首無人問惹得胡僧特地來後果有異僧至與相詰難一旦

遂能默記旁通知未來事築室 **法普** 宋仁壽人幼不茹南嶽曰普庵四方慕道者益眾 **法普** 輩精勤踐履苦行

卓然居仰山縹流多從之宰相張商英聞於朝賜以紫方服後杖錫雲遊久之復歸思居靜慧室有僧在其中

夜夢神告曰此非汝所覺即遷別舍明日 **德一** 宋宜春法普至居之宣和初召住徽麓祥不往 **德一** 人九歲

出家詣仰山參簡禪師 **牧菴** 宋鄞人性專靜出家參佛後雲遊四方禱雨輒應 **牧菴** 眼禪師造次不忘提撕後

登廬阜遊衡嶽結茅棲馬四方衲子聞風而至 **仁公一** 樞密柳仲士鎮長沙以眾望起之往領住持 **仁公一**

初 住持分宜福勝寺能詩虞伯生過寺相與酬和虞詩 **初** 江頭說與老禪知翫水觀山豈定期白髮自來無所

處黃花更老不嫌遲爐烟逸座寒留宿缺月窺簷夜誦詩惟有峽中三石磴千年幾度見來時一初和老却黃

花客未知回舟旬日謾相期龍江話月倚盃久懶運看雲步飛遙天地長懸司馬記山川有待杜陵詩錦囊收

拾同誰讀側聽蛩聲入思時又答虞詩翰苑虞夫子名
 聞四海傳偶携天上月來繫寺前船一見如曾識三生
 定有緣不嫌雲卧 **月樓上人** 為序稱其思致清醇氣格
 冷與我共留連 **謝仲初** 萬載人修煉於閩
 深 **澈公一清** 詩主齋雅重之 **謝仲初** 皂山得道而歸過
 縣西無水拔劍刺地湧泉甘潔過江 **沈廷遠** 唐尚書郎
 無舟以竹葉渡之登謝山冉冉去 **沈廷遠** 唐尚書郎
 彬之子也性坦率豪於觴詠舉動異眾盛夏附火巖冬
 單衣遇深山古洞竟日不返時人異之呼為沈道者
羅昇 宋宜春人少貧業屠狗晚乃貨藥市中遇異人授
 以方術年幾百忽一日辭親戚奄然而逝時政和
 八年也後人見其在瀏陽市貨藥有 **懶懶道人** 周樞字
 書寄鄉人驗其日乃歿之明日也 **懶懶道人** 案中安
 福人通儒術能詩居分宜洞靈觀有道行
 洪武間至京禱雨有應 朝廷嘉之